





萬花臺叙

夫作文而不閔世道人心不作可也故傳奇小道勸懲寓焉雖然竟有導淫誨盜污筆累墨以取悅乎時者吾正不知其何心也雖然此其人原無世道人心之慮更何有於勸懲而又儼然揆剖剝災梨枣此其人恨不以呂政之大坑坑之此其書恨不以烈火之拉雜燒之也故帝衛翼經書廓清宇宙其息邪說





不在禹下而三十六年之德政亦僅此一舉耳  
後世著述林起子史百家以及山農藝政之書  
里巷謳吟稗官小說之類汗牛充棟不可枚舉  
而要之有關世道人心得勸懲之遺意者即為  
不朽之書外此其人可坑其書可燒也予承乏  
劇邑簿書鞅掌著述未遑自愧德薄才疎不克  
起衰救弊揚扆風雅每欲與邑中之賢士大夫  
講明而興起之而觀翁張父母適以萬花臺

院本相授命余叙之余讀竟不覺喟然而嘆曰  
有是哉張父母之為是書也其通於政矣夫  
古之為政者民之疾痛如已之疾痛焉民之陷  
溺如已之陷溺焉疾痛之方當思何以藥之陷  
溺之方當思何以拯之而藥之拯之之道竟有  
不必布之文告施之政刑而家喻焉而戶曉焉  
是遵何德歟昔者一伶人演秦檜陷武穆事忽  
見皮匠握手中刀從人隙中跳躍登場怒目裂



眦截取伶頭以去嗟乎彼豈不知於秦檜者之  
非秦檜耶而一激於義憤又止知於秦檜者之  
即秦檜耶而何暇為伶人計乎由此觀之其感  
人之深入之之切未有過於傳奇者也如是本  
之立志如秦氏也從一如尹兒也報德如聞人  
也立功如于楚也以至李之俠也武之奸也昌  
宗之淫也微以古跡叅以新文錯綜而變化之  
寓風流於貞淑之中矜香艷於淫褻之外強奸

邪極善類演之當場共為觀聽使賢者益知務  
其向上之心愚不肖者亦可懲其匪僻之念豈  
非助為政者之不及歟詩曰民之秉彝好是懿  
德子輿氏曰是非之心人皆有之故聞秦氏之  
風者可以起懦也聞尹兒之風者可以立廉也  
聞聞人之風者可以敦本也聞于楚之風者可  
以晚蓋也以至鄙吝見消于多祚而奸淫懲創  
於武張則是本之有關於世道人心堪與子史



等書並垂不朽傳奇云乎哉由一邑而播之鄉  
國由鄉國而播之天下民將不賞而勸不怒而  
懲風俗其庶幾矣乎是本也亦可知 父母昔  
日之為政矣昔

康熙五十季歲次辛卯桂月上浣隣治年家弟  
督霖林頓首拜題於會稽官舍



屈平湘潭絕唱離騷一經求宓妃見逸女雖別有所  
托大抵皆言男女之際也予填花臺一詞或謂好色  
而淫有乖國風大義不知以才遇才未有不愛且篤  
者情之所鍾正在吾輩登徒子非好色者耶且聞張  
旭善草書觀公孫大娘舞劍器而益進予之所作何  
必不然故非情之不可情而無才之不可也彼浪逐  
東風尋花問柳者竊謂才子佳人風流韻事不幾等  
東施之捧腹乎然亦夢裡邯鄲枕邊蝴蝶金石雖堅



何有於我

康熙歲在辛卯耶溪散人張鼓自識



張鼓小影





巧十三傳奇筆意

一笑緣偶筆

二筴媒腐筆

三世因鐵筆

四才子俗筆

五色旗夢筆

以上一套

六國終憤筆

七寶釵宦筆

八洞天幻筆

九華山悟筆

十錠金拙筆

以上二套

百歲坊寓筆

千里駒旅筆

萬花臺禿筆

以上三套

張鼓自記



萬花臺上卷目

第一齣 侵尋韻

培花

第二齣 庚青韻

明志

第三齣 家麻韻

幸臺

第四齣 魚模韻

撲姦

第五齣 歌戈韻

喻旨

第六齣 車遮韻

癡盼

第七齣 蕭豪韻

先施

第八齣 桓歡韻

情寶



第九齣先天韻 遙頌

第十齣廉纖韻 伏辯

第十一齣東鍾韻 息爭

第十二齣江陽韻 覓浴

第十三齣尤侯韻 泄任

萬花臺上卷

耶溪張瀾甫觀生禿筆



第一齣侵尋韻

培花旦淨小旦副淨俱宮粧引老旦

冠袍扮花神上北引點絳唇天運當陰。花開如錦繁華甚。造化

惟心。且向枝頭姪。檢點瑤臺園麗華。錦宮城裡燕鶯賒。青皇掌

得春風案。半謂開花半落花。小聖萬花臺花神是也。已乘帝勅。

乘時點勘春宮。主張花斛含愁掌。呪香魂薰風步障安。排蝶使

降媒。夜月繡竿準備封姨。少女茲因來日。武則天駕幸萬花臺。

當筵降旨立命枯梨再放。念此時九月下浣。何能朽質重華。但



則天應識之主。况前係月宮仙史。小聖既乘花綱。理難悖逆。欲呈草木之奇。挽回花令。且待惜花主人。護花使者。來時作李代桃僵之法。顯移根借葉之功也。末白鬚道冠。擎服執塵。握花瓶。丑三髻角花。兜肚草衣。卉裳赤脚。麻鞋挽鋸。持斧鑿。全上。末前腔風疾香沉。霜飛花慄。丑誰能禁。節序須箴。合想春回待向何方賃。末尊神在上。惜花主人。丑護花使者。合謹參。老旦免禮了。丑適聞呼喚。未知有何使令。老旦因來日武后降旨。立使梨木重華。煩二位預爲巧構。以便當筵開放者。末雖云卉草精華。皆循氣候而生發。若此冬行夏令。無乃顛倒陰陽乎。老旦念當今

坤乘乾位。官民順服。上天尚且佑之。諒吾輩奚能悖逆耶。二犯江兒水。坤居乾任。但則見坤居乾任。官民俱足欽。柰梨遭雨後。竟杜知音。預爲圖。休云怎。暗裡用工深。其間着意斟。懿旨維謹。敗卉重森。不須吟。與奇人些兒稜。合一枝權廕。迥塵寰。一枝權廕。萬花蒙蔭。藉崇臺萬花蒙蔭。不在了運神功。默奉當今。丑蒙尊神面諭。諄諄豈敢違誤。待吾鋸了那枯枝。砍些柔條接上。末吾亦當點綴花蓋。將瓶內神水灑之。共助成功也。老旦正當如此。丑末前腔。則天稱朕。總只謂則天稱朕。墨言貴似金。掌人間禍福。各願遵。此時聞來朝飲。覓蕊佈成林。無枝接上參。供奉



竒媼。拚着爲簪。汗休侵。怕梨香難籠枕。合一枝權廕。迥塵寰一  
枝權廕。萬花蒙蔭。藉崇臺萬花蒙蔭。不枉了運神功。默奉當今。  
老旦。煩二位卽爲培植。毋得遲誤。末丑。領法旨。尾。移花接木。從  
來恁。末。這瓶中巧機難暉。合。總教那俗子。凡夫沒處尋。

第二齣 庚青韻

明志生舊巾服上

引採蓮船。半世孤寒偏居頂。論懷抱。獨予多病。豈慣偷香。偶爲  
乘隙。自愧讀書行徑。不意天公識見。羞眼前顛倒許多家。漫言  
革命從周事。朽質偏教伴好花。小生復姓聞人名。悅祖貫河南  
衛輝府。獲嘉縣亢村人也。抱愧終朝。每多金盡之嘆。耽憂半世。

常懷影隻之嗟。物理難推。聞繩可拴。卽足人情莫測。卽着不允  
聞齊。念我聞人悅。自幼父母偕亡。並無兄妹。更鮮親族相倚。雖  
云已採芹香。奈何室如懸磬。卽有外遇風流之願。未足但向者。  
與卽貴之妻和姐。私通既久。且兩下情投意洽。第恐婦人女子。  
一朝心變。把無限恩情。豈不付之流水。今欲晤彼。共訂生死之  
盟。以畢終身之事。須索走一遭也。二郎神。終朝省。我深慙。歿椿  
萱學短倖。更悵庭前希鴈影。家徒四壁。誰云措大宜清。或至愁  
時。還自做。凡百事莫非由命。與和姐私通。一事實非君子所爲。  
無奈兒女情深。此身不能自禁耳。戀私情。顧甚的將來所犯竒



刑。下旦淡粧上集賢賓郎才女貌能自成。又圖甚虛名。嘗慮傷  
觀偏會等。那時節纔誤前程。妾名和姐。係亢村鄔貴之妻。只因  
悞配衰翁。常懷怨悵。故與少年聞人悅。私效魚水之歡。雖云婦  
道有虧。無柰芳情難制耳。將捐品行。試博個風流相應。咳。正所  
謂俗子推不去。可人期不來。想介爲何此時。未見聞官人到來。  
且去門首盼望也。作開門盼介好。來了。生上合非畫餅。瞥然見  
可人遙映。旦官人裡面坐。生大姐待我關了門進去。作關門。嘆  
介旦你今日爲甚愁眉不展。生我與你交情日厚。生死難開。怎  
能殼離却此老。做一個長遠夫妻。思前慮後。未免憂懷憾憾耳。

黃鶯兒卽事豈難明。謂無媒怎露形。暗中摸索途非正。旦你若  
能始終如一。何慮不致長遠。設或此間欠穩。我隨你回去。就是  
了。生念我室如懸磬。帶你去反悞大事了。私衷便誠。同心欠盟。  
共期休敗纔堪慶。旦妾揣官人之意。恐婦女楊花水性。日久心  
變。欲爲遠長之計麼。生大姐不言則已。旣言如見我肺肝。合願  
卿卿。能終有始。生死不容零。旦妾雖敗柳殘花。偏懷窈窕之韻。  
柰君子以世情測我。誠然太過了。前腔尊意忒深宏。趁楊花敢  
犯稜。莫思割愛還孤另。生咳。豈卑人過于憂慮。但自恨未能忍  
於始。以至畏於終。况古云若無遠慮。必生近憂。旦念妾身要去



不能欲留未妥。立此兩難之地。徒添苦楚也。鄔歸受驚。聞來又  
憎。罷。拚殘軀以表素志。拚秦薄命均必就。作投塔。生忙攔介呀。  
快休如此。你果有真心戀我。大家對天明誓。且甚好。生且各跪  
誓。合拜介。且先聲。男隨婦唱。偷着效和鳴。淨白要髯。村扮忙上。  
滴滴子回家早。回家早。欲圖妻幸。作敲門。生且驚狀。淨嚷開門。  
介敲門緊。敲門緊。反希人應。且拉生門後。淨以臀撲門。且驟開。  
淨仰跌。生閃出。忙下。淨喊痛。且作漫扶介。老人家行路。仔細些。  
纔是道理。淨重聽。且作重白。淨笑介。賢妻說得是。愚老自不小。  
心該跌跌煞也該的。且作卽出門。四顧欲關門。淨止介。不關罷。

且天晚了。豈有不關門之理。淨愚老跌怕了。以後大開門。省些  
跌。拉且介。這里來。且拉我做甚麼。淨拉下褲來。生兒子。且啐。可  
不羞。淨作醜態。介腿中皮條將硬。若然起不來。指頭幫掙。急靠  
床邊。該我跼羸。樓且下。生忙上。尾當場掃盡風流興。在何時暢  
心交頸。雖云巧妻常伴拙夫眠。老天何物理。不齊至於此。頓足  
介。呸。我但恨掌握姻緣簿。持赤繩的這個人。畢竟老昏了。不然。  
怎把閨人悅妻子。先付與鄔貴收管。作倦態。嘆介。愧煞了悅士  
妻拴兩赤繩。

第三齣家麻韻

幸臺末蒼髯相服執笏上



引小蓬萊良馬誤遭驅駕。念千金市骨休誇。謂世承天眷。愁聞亂命。愧奉嬌娃。中流砥柱應何人。社稷垂危在嘆頻。返得周時唐業鞏。免教先帝泣孤臣。老夫疊蒙聖恩。超擢中書門下。儀同三司左僕射。進爵梁國公。狄仁傑是也。自先帝遺詔託孤。駕崩之後。政事皆由女王。攘竊神器。厥思從古及今。未嘗有此奇變。且則天昔克太宗。下陳曾以更衣入侍。後爲李淳風之諫。宥而出宮。以必死之餘喘。祝髮爲尼。詎先帝私情難斷。復召立左昭儀之職。而能屈身忘耻。順承帝意。故上排群議。立爲后。遂逞志專作威福。耐耐妬心。倍始惡蹟。愈彰鳩殺元后。幽囚少帝。更容

八風之舞。至三思黨羽益盛。念老夫世受國恩。豈鮮匡復之志。因女王英敏果斷。臣民敬服。幸而朝野之間。十分穆肅。若非天意使然。事難如是。但邇來內庭巧飾。賜名萬花臺。栽四季不謝之花。作隨時遊幸之地。主曰長春。予言非瑞。內細樂介呀。樂音嘹亮。聖駕將臨也。生外丑雜俱扮小監分執鑾駕。小生冠帶執笏。副淨扮太監。小旦扮宮女。老旦仙扮執塵上。惜奴嬌何處繁華。竟飛來此地。安然而下。無煩需彩。一時剪就多葩。窮奢得上層臺。方堪訝。媿迷樓偏瀟灑。合絕誼譁。共仰仙人仙景。勝是仙家。老旦簇簇仙香捧絳霄。日華搖映鬱金袍。花迎鳳輦開宮扇。



吹落雲中碧玉簫。朕大周聖神皇帝。武則天是也。朕諱嬰。乃唐朝太宗才人。柰彼時被淳風所譖。至於祝髮。蒙高宗特恩召見。始立爲后。是以上每視事。朕則垂簾代斷。而在朝大小政事。無不與聞。遂使天子拱手。喜中外稱之二聖。由此威欽。權與人主侔矣。因高宗駕崩之後。膺御正朝。乘唐已衰之候。國政宜新。覓人間絕竒之趣。作世上無涯之樂。恐遭骨鯁之徒。於中撓阻。只得任用酷吏。屠害宗支。禍雖慘。而威已泐。毒果深。而位更固。柰邇來又聞逆類。叠生意外之波。南牙掌批懷義。三思憤逐。敖曹實因事干物議。恐難法究。故而且幸萬花臺。以遣悶懷也。末臣

狄仁傑、小生臣、張昌宗、副淨奴婢、牛晉卿、小旦臣妾、婁疑尹婉兒、合作三呼介末、陛下尊居九五、服宜火藻山龍、雖偶飾綃冠鶴氅、儼若臨凡仙子、第恐侍衛諸臣等、望日瞻雲、有褻帝王體統、伏願聖裁、老旦朕此時、旣非臨朝聽政、必待峩冠博帶、到處威儀、設或花神有靈、豈不笑朕猥鄙矣、末陛下誠然天睿、念臣等莫測聖衷、小生臣已撰花臺閨春賦、謹呈聖覽、老旦卽命誦之、小生竊以崇臺叠翠、飛閣凝輝、桂嶺梅巖、做輞川之雅款、鶴汀鳧渚、有金谷之遺風、春色重來、不啻裁雲大地、清芬復吐、無煩剪綵懸枝、蝶映珠簾、花繞層層繡戶、鶯啼岸柳、香飄處處紗



臆臣等本屬庸才，愧乏旋陽之頌，均沾玉露，難酬曠世之恩。伏願此日芳模紀名葩，以萬種四時爭艷，供吾主於千秋。老旦聞卿嫵媚之章，朕咏卽事詩以貺。小生臣伏望珠玉之輝。老旦海棠枝上鳥聲乾，更藉清輝護曉寒。欲訪天台須有路，嬌香恣意壓闌干。四官介正是墨花香聖翰，兔穎展天才。小旦臣妾尹婉兒，本係深閨弱質，謹賦一詩應制，敢呈御覽。老旦亦命誦之。小旦夢到天台路不明，閨春腸斷玉簫聲。隔花鸚鵡如人語，疑是君王喚小名。老旦詩雖秀雅，無柰春情太露耳。牛晉卿副淨奴婢有老旦朕臺下所有花朵，未知那一種先放。副淨萬歲降旨。

幸臺牡丹先放，然後各種皆開，實爲亘古奇觀也。老旦可傳旨，卽封牡丹爲花王。副淨傳旨介老旦再命爾揀點諸卉，亦有未開花朵否。副淨領旨。下末老臣狄仁傑晉酒。老旦前腔換頭殊佳。一片雲霞與文人丰采相映奇花，私歡應暢，無煩遠盼天涯。借查旣覓風流須畱話，莫登臺仍如耍。副淨上啟萬歲，查得各花競放，獨梨無蕊。老旦柰梨朽卉無知，故敢違悖，欺朕難爲天下主，情甚可惡，仍命爾卽傳旨意，朕飲三杯之後，設或梨葩尚匿，當盡貶天下花神。副淨領旨。下合遍桑麻喜聞溪雲溪水待訪溪紗。旦扮宮女捧蓮花上啟萬歲，奴婢採得並頭蓮，謹呈御



覽。老旦命張卿送至御前。宮女下臺。旦領旨下。小生接蓮介。臣遵旨呈上。並頭蓮。伏望睿鑒。老旦聞六郎貌似蓮花語。朕猶未信。使花與郎相並。始知蓮花似六郎耳。小生微臣陋質。奚敢與仙姿並懋也。錦衣香質類葭。惟耽魏品似哇。何堪詫過。蒙並懋仙姿。恐貽人罵。副淨捧梨花。旦掛臉。扮花神。隨上介。副淨啟。萬歲。奴婢宣旨後。見朽梨長芽舒蕊。頃時開盛。卽爲採得數枝。謹呈御覽。老旦命婉兒送至御前。以供清玩。小旦送梨介。老旦果與初次開得。更加香艷。殊爲可愛。始顯花神有靈也。朽梨遵諭。不煩挈枝。舒蕊放色。艷香加。命婉兒撒酒一卮。以酌花神。祝新

醕一卮。願靈根默護。休遐。勅汝神通大。小旦作奠酒。旦下。老旦狄公朕爲一歲之中。梨花兩放。卿可論文武官員。上表稱賀。末今當草木落。而此卉更發者。實謂陰陽不和。咎在臣等。豈宜賀老旦卿真宰相也。合理陰陽非乍。天時太順。曲端宜罷。老旦宣承嗣三思上臺。副淨武三思連日家宴。並未入朝。老旦闔朝文武官員。俱在花臺侍衛。詎三思戀酒私歡。眇視朕躬。本應照例處分。作將來逆臣之儆。姑念骨肉之誼。暫爲寬恕。卽命爾賚朕特旨。勅三思速赴內庭。總理花務。爲天下滋花大使。獨掌花權。永署花臺。擅回私第者。卽以悖旨治罪。漿水令命三思權爲射



鴨命三思來茲下榻。內庭花務令巡察。既順當褒。少違須罰。休相笑。尙容答。至尊應叛新奇法。副淨領旨。合個中事。個中事。莫教消乏。史中語。史中語。豈愁塗抹。老旦面官尾良宵一刻千金價。朕從來自稱風雅。合只樂得衆口齊呼聖德嘉。

第四齣魚模韻

撲姦淨扮鄔貴上。作嗽痰。搥腰。嘆介

要養孩兒先病父。未痊痰喘又疼腰。我鄔貴既娶和姐。原想生兒續代。耐耐這娼根性野。惟夫太老。又嫌幹事欠如式。竟與惡少聞人悅。不知怎麼樣一搭。認真搭上了。我雖聾未曾聽得。其實親眼見他們。喲。作交歡手勢。介如此。如此。恁般。恁般。將欲縛

而殺之。幸他們願借種贖罪。冷笑介果能省力而得子。都說便宜之甚。即使代妻款客。二人共榻。不過各適其適。何妨之有。但可恨是對慳恪種。允而懶付。嘆介且近來兒尚無影。反叱親爹碍手脚。時常擠出被窩外。我只得床底安身。氣惱介真正大傷風化。情理難容。已哭訴東隣西舍。多蒙隣舍議定。單等他們活動時。用一條麻索拴了。大家解官。當堂打退這惡少。拍手大笑。介不消說。斷還和姐。讓愚老自生兒子。何等快活。何等受用。天色傍晚。不免約齊衆隣舍。併力拏姦便了。正是若允三人臥。何勞一索拴。下旦帕兜頭上桂枝香衫青粧素。釵荆裙布難云。



四德隨身。所幸三從由父。我和姐向與聞官人交往。莫說他才貌兼優。將來出人頭地。况且性格溫柔。實令人可親可愛。所幸終身有誓。庶不負自媒之耻。但郎貴亦慙配偶非宜。遂期借種。未常敢分彼此。總不如早離厭物。以便畢願也。內作起更介爲何此時。不見聞官人到來。念今宵就裡。今宵就裡。因他思慕。和誰分訴。內打二更介呀。早又二更了。自那日立誓之後。恩情愈篤。想介莫非別有所遇。故而見棄於我麼。作嘆。遂淚介忍宜初。揆此心難定。猶疑誓又誣。生上前腔。情人希扈。佳期愁赴。若然此夕休來。又恐明朝難負。旦你爲何夜半纔來。生且問你厭物。

在家麼。旦尚未回。生忙走介。卑人明晚再來罷。旦止介。旣來卽去。莫非恠我麼。生娘子有所不知。只因今晚隣舍們窺探不已。况且厭物未回。若卑人仍前住下。恐遭不測之禍。念私通道理。私通道理。休教形露。還期心悟。又忙走介。我去了。娘子快些關門罷。旦又止介。念通時三人共榻。未聞半語相嫌。豈有隣舍管得我們閑事麼。作關門。生想介。蒙娘子見愛如此。罷便做個明知故犯。也不能辭了。合且歡娛。禍福憑天降。安危莫自圖。生作樓旦下淨。忙上介。唯四隣入舍。此道進去了。笑介。快些替我挈繩來。丑外末副淨老旦扮隣舍。分執繩棍上。賺隣舍傳呼。棍索。



全施捉懦夫。淨開門、開門、東隣西舍都在此、難道愚老還怕你  
衆阿呬、恁般嚷時、分明教他走脫了、淨不開門、如何進去、衆打  
下門來就是了、淨倘或打壞了、又得買釘脩理、呬、免勞照顧罷、  
衆我們既然動了手、如何由得你、須忙捕出其不意纔知苦、作  
打門奔下、淨窘介咳、晦氣其如大拏、姦只打門、哭介哀哉、痛哉、  
胡然、鄔貴陪了夫人又折釘、衆隣弔生旦上、風流度、身猶柳絮  
隨人舞、貌似梨花着雨模、生旦列位饒了罷、衆因干女、當場現  
獲誰能阻、生旦拴我們到那里去、衆送官究治、走走、請那尊  
步、淨攔介且慢、衆你怎麼倒來攔住了、淨等我問他聲這一遭

弄得暢快麼、衆這樣話問他則甚、淨怕他們、又說是趕出貨、生  
來沒入鳥、可不勞而無功了、衆虧你不羞、掉角兒序、小牙兒行  
姦暗途、老烏龜縱妻明做、俏冤家別成比目、好隣居豈容私渡、  
生旦對泣介你聽他、誰憐我、赤皮膚、難遮護、淚珠無數、臭名廣  
佈、殘軀待殂、合到公堂、如何敢說自開門戶、淨淚介列位、看他  
二人苦惱面、放了罷、衆足見你是開眼的、淨笑介是列位講得  
明而白、自恨一時失筭、閉着一隻眼、所以擠出了我如今兩眼  
全開、一手拉住了、一個昂昂然中道而行、還怕擠到那里去、衆  
阿呬、尾重陽互吃單陰醋、論眠川獨予能譜、把龜兒擠下床來



且姓烏。

第五齣歌戈韻

喻旨小旦宮粧上

引似娘兒薄命奈天何。偏令與長伴花魔。自知每事機難合。雖叨職守。回思始末。未免風波。雖非玉帝掌書仙。一點芳心滯九天。莫怪濃香薰膩骨。舞衣曾惹御爐煙。奴家姓尹。蒙女王賜名。婉兒。官拜婕妤。乃楚中人也。父諱旻。職授中書舍人。因武曌紊亂朝綱。忿効懷素。以禿子出入宮幃。臣民觀望不雅。是宜放殛。豈可尊崇。詎意觸其聖怒。卽發周典。追問指使之人。父受酷刑。而縊。將奴沒入掖庭。年方二七。然自幼秉性聰敏。頗能染翰。恃

此方稱上意。未五載已拜婕妤。但武曌改元天聖。遷帝於房州。以唐易周。剏臺於大內。日與二張懷義等。淫無度。更可嘆廟廊之上。盡是亂臣賊子。疏奏之中。無非薦陽舉壯。武三思肆其克蠱。來俊臣鼓其毒波。以至僉壬當道。正士潛踪。念奴家曾懷大志。誓欲剪除逆羽。請帝還朝。爲親洩憤。如昨者呈詩獻媚。實非助紂。且圖更得歡心。或可於中取事耳。正是素心豈羨鴛幃。事傲氣原從父性來。外末扮小監。分捧太監服飭。淨扮太監。捧詔上。縷縷金闈皇帝。沒絲蘿。美男皆中選。請歸窩。自恨無療甚。動些虛火。倒不如禿類聚鑿坡。昂然近龍座。昂然近龍座。詔曰



坤承乾位、已協天人之應、賢爲邦本、愈深甄拔之恩、尤恐窮谷遺英、志甘泉石、復慮沽名膺鼎、濫與弓旌、特命婕妤尹婉兒、易名進賢、卽更宦官粧束、爲總督天下採訪使、再賜尚方、仍帶司禮監服俸、代巡各省、務期實心任事、而所過版築之間、弗論耕讀漁樵、或遇青年美質、兼通一材一藝者、卽着禮聘前來、以備顧問、庶幾聖恩廣佈、國典攸彰、欽此、欽遵、請換了太監冠帶、以便謝恩覆旨、小旦扮太監、謝恩、與淨揖坐、介淨孩子們迴避、外末下、小旦請問公公、未知聖主何意、遣弱女採訪遺賢、恐妨成命、淨昨因萬花臺獻詩、已把汝認做有心人、特命訪賢、這不過

欲羨其名耳、小旦莫非更有他意、淨掄龜、冷笑介非汝親爲、則不可、小旦何謂掄龜、淨汝自來未歷歡場、不諳情事、蓋聞男道屬陽、象乾、卽天也、女道屬陰、象坤、卽地也、厥思上古及今、惟天乃與地配、夜無不合、而合則始育群生、日難偶間、此陰陽配合之至理也、若汝輩旣秉坤象、豈可生而不合、且合之趣味、又全在於龜點穴、而春意津津、揉心、則芳情勃勃、迨後酥融、恍然身在蓬島之間矣、八聲甘州、陰陽似鎖、便開時、理應卽使相合、小旦豈有人盡如此、淨誰能空過、念天生趣品、宜和小旦雖然奉命前往、第恐能說不能行、淨將身許國、須蹈苛、可喜的報主純



忠只藉賤。小旦敢問掄龜之法，其槩若何。淨大笑介合呵呵。訊掄龜有法偏阿。小旦古云笑者不可測，此事必求明教，其二換頭因他存心甚瑣，望指示玄機預作騰那。淨此事雖能面命，亦堪耳提，汝欲得精微之旨，豈能輕易便傳也。小旦若蒙提破，俟奴酬家用金梭。淨但能察友作師生，始深情誼，把掄龜秘訣授與保汝此行無舛。小旦既如此，老師在上，容門生尹進賢拜求。淨喜介賢契只行常禮。小旦拜介得傳衣鉢掄未左。纔顯的既在門牆不授訛。淨賢契且坐了，以便聽咱指示。小旦遵命。合婆娑待將來鬼病全瘥。淨夫龜者，始秉純陽之氣，復乘造化之靈。

筋骨團成法體，精神養就奇形，既剛而且寓柔，已直難以驟曲，性情不與人侔，勝敗豈關頭禿，大則採陰煉鼎，贊助仙源，中則孕兒育女，接延宗祀，小則破竅搓花，承歡麗質，凡世上深閨少女，繡閣嬌娃，夢遺小便者，遇此而止，過笄未配，劇症纏身者，得此而愈，嬌居失此，疾染痿黃，戍婦思此，歿因久曠，夫妻反目，見此恩愛倍常，男女私期，戀此死生無變，而龜之有功於婦女，亦云大矣哉。小旦可有名狀乎。淨獨此名狀甚殊焉。小旦可能面命乎。淨此時出於無奈，以掄龜二字提之，實穢口吻，何敢以更穢之語，直殃梨棗，而致貽笑大方，但因汝正在門牆，似難仍秘。



過來。咱家只得心傳了。作附小旦耳。介淨解三醒。慮龜兒有些難捉。勸娘行早去張羅。似咱會工夫的。倒把陽來墮。誰又知識古董的。不能藏貨。咱也爲汝先期美質隨身驗。到其間學選青錢挨次摩。小旦所論非良。是自取敗亾之道。伏望老師恩賜全美之策。淨大笑介賢契實謂有心人。合歡場裸。緣此事人皆樂此。此樂如何。淨過來。咱家只得口授了。小旦求教。淨謹將八個字授與。內藏莫測之機。若能依法而掄。其間等第自分也。小旦願聞。淨巨細清微。豐隆尖削。小旦是何名義。淨欲識龜之巨細清微。試觀鼻之豐隆尖削。實寓非常至理。不易玄機。或望之鼻

甚豐隆。而色帶紅紫者。酒徒也。只盼酣然一醉耳。但圖睡鄉滋味。罔知脂粉生涯。且若輩陽氣已洩於外。龜旣冷。其敗必速。擯而勿取。均留後驗可也。言防六耳。忌聞俗類。慎之。慎之。小旦尊論門生寶藏心骨。豈敢私授他人。致負老師雅愛也。其二換頭。似我奉了綸音。猶自度。怎能殼一覽無遺。終不磨。幸掄材有技心難惰。蒙又諭更忌口頻哦。奴也爲彼將旋利器私衷已。到其間永壽花臺春意多。淨賢契王命在身。莫延時日。咱家卽此相送出宮。小旦旣如此。門生拜別了。合歡場裸。緣此事人皆願此。此願如驟。小旦代天巡狩作良媒。淨美少叢中正好窺。小旦



別類分門皆藉款。淨掄龜等第出香閨。

第六齣車遮韻

癡盼外末小生老旦俱扮小監分執

鑾駕丑扮家將雜扮傘夫副淨耍髯王服上引梅子黃時雨聲  
勢豪奢香處難忘麝。承姑蔭始光寒舍。豈情踈懶上花臺。避人  
嫌有辜良夜。丑啓千歲駕到朝房了。副淨吩咐侍衛們。迴避了。  
四監雜下副淨天生怪性本於淫。豈顧先朝禮法深。做盡人間  
真趣事勝如積德與遺金。孤家周國公承嗣武三思是也。念孤  
家所行之事。原與世情迥別。童叟皆知。自無煩強爲表白矣。但  
邇來聖心叵測。於大內勅建萬花臺。借二張不分晝夜。恣意盤

桓。雖萌逐匪之心。慮干逆君之咎。值此無奈之際。且爲各適之  
事。冷笑介耐家姑見淺。反欲苛求命孤爲滋花大使。不許私  
回。是明將寂寞之苦。強教消受。咳。正所謂人情有厚薄。寓意顯  
親踈。丙鳴鑼喝道介副淨這所在。誰敢鳴鑼喝道。家將卽與孤  
查明回報。丑嘆。下前四監淨旦扮宮女捧劍印雜扮傘夫小旦  
仍扮太監上合出隊子欽差難謝。粧束雖更莫便嗟。公私兩盡  
各圖些。彼此相依皆不呆。獨苦傍觀無從遇耶。下副淨驚盼介

丑上啓千歲。此係內監尹進賢奉命掄材。代天巡狩。副淨此子  
丰姿甚美。且宛然處女模樣。雖云內相亦足令人魂醉。但爲何



宮禁之中，並未謀面，即使新選的，更不能得此重任，作沉吟介  
叟，費解。皂羅袍似此龍陽難赦。盼丰姿恍是擲菓之車。想介或  
因孤酷好男風，家姑自應關心，又恐匿而後露，不如遣之遠出  
耳。笑介不差，畢竟是這個道理，雖有重圍勢莫遮，不如外任誰  
堪借。家將丑有副淨，卽命爾尾尹而去，可將他所爲之事，不時  
馳報，違則軍法處之。丑領鈞旨。副淨彼旣作瞞天之計，孤當爲  
縮地之謀，務必要弄他到手，方纔可已。合宜男宜女，希圖就者。  
行雲行雨，何妨待也。若能遂願相思卸。副淨可嘆唐朝運氣頹。  
丑男見態度勝娥眉，副淨人皆想夢花臺趣。丑我勸他借幅春

宮看一回。

第七齣 蕭豪韻

先施小生老旦扮劊子外末扮皂隸

雜扮傘夫小旦扮太監上世態原來不一般，罕聞狐媚踏金鑿，  
分明自縱無涯慾，強把嫦娥作宦官。咱家司禮監尹進賢是也，  
已奉聖旨爲總督天下採訪使，又賜尚方勅印等，握先斬後奏  
之權，代巡各省，謂承肺腑之托，難辭犬馬之勞，且藉此觀風問  
俗，挹水尋山，或能灑樂襟懷，實勝深宮納悶，但素聞人物雋雅，  
文才秀美，而甲於天下者，西路爲最，故先由西路而起，記程遍  
歷，雖遙望左孟門，而右太行，又不如上清風而下明月，正堪羨



柳蔭培堤之政更可愛荷渠救乾之勳試訪盧生臥像而黃梁  
蹟在邯鄲次過宜溝遂經洪水如昨者案臨衛輝古曰朝歌僅  
存鹿臺之址削脛之河脩築文王演易處誠謁比干墓廟豈云  
必期佳况亦須少全公務耳然自揣嬌柔之體言出法隨百寮  
拱手而服何顯赫一至於此也內白直隸真定府知府率領合  
屬官員候送公公台駕小旦吩咐官兒們免送罷外傳介小旦  
這是甚麼地方了末此係新鄉駱駝灣前乃獲嘉縣地方相近  
黃河渡口了外請公公起駕小旦北新水令慨然飛下九重霄。  
論風流恰是代天圖飽精囊怎自揀硬貨債誰慄副淨耍髯冠

帶持手本迎上跪介河南衛輝府獲嘉縣知縣迎接公公台駕

小旦卽着地方官引道副淨嘍下小旦叨此一路風光真可謂

榮耀之甚也暮暮朝朝但喜的俱頌福星來到俱下丑扮總甲

淨扮鄔貴仍如四齣拉式上生旦淚介好苦嘍生南步步嬌強

紐姦情真堪悼正主原無意傍觀反不饒在何時始遇廉明立

除圈套內鳴鑼喝道旦淚介呀那邊有官府來了生所幸近青

天可得開籠鳥前四役雜引小旦上生旦冤枉嘍小旦你們爲

甚事生強紐姦情丑真正風化事小旦你是甚麼人丑小的是

地方叫查仁小旦這老兒爲何拉着他兩個丑此老叫鄔貴是



親夫古云拏姦要拏雙。這原是一定的拏法。小旦郎貴莫非是  
啞的。丑耳聾是實。小旦呀。北折桂令見衰翁耳蔽身勞。謂甚而  
來。大槩無聊。生日公公救命。小旦咱又見女態風騷。男容典  
雅。自然犯着輕佻。恁便說一時湊巧。誰顧得現獲粧嬌。要解他  
們那里去。丑只因姦夫是秀才。理當解府發落。小旦叫地方官  
見。副淨忙上。跪介地方官伺候。小旦將人犯帶至公館。候本監  
審明裁奪。副淨。向生日不然介。想你們會使風流性。闖下風  
流禍。這公公倒像風流種。好審風流事。念本縣豈是風流子。挑  
此風流担。咄。怎麼還不走。生哭介。生員聞人悅。只求父母作養。

副淨冷笑介。立時作養風流板。打得如風血便流。丑真正青天  
縣主。一板見血。再一板自然打扁了。纔曉得做鬼也風流。淨隨  
你們顛倒風流。老婆是要還我的。與生日丑副淨下。小旦柰查  
仁勢頗咆哮。事有蹊蹺。因此上待拆根苗。且作推猷。俱下。內吹  
打開門前四役。引小旦上。坐介郎貴。淨上介。愚老其實聽不真。  
有話嘿。大家喊高些。小旦那少婦。是你甚麼人。淨愚老渾名郎  
貴。今年八十三歲。繼娶秦氏生兒。烏龜做得加倍。小旦不許巧  
言。從實供上來。淨聽稟。南江兒水立志圖生育。奚甘餒鼠貓。初  
然苟合人難覺。後次通姦均知道。纔期借種心相照。不意地方



尋鬧。小旦據你說賣姦是實了。查仁。丑上介小旦這姦情可是真的。丑總甲親見他兩個幹事。全隣舍在床上捉的。如何會假。小旦即使情真自有親夫捉獲。况翁媳尚無拏姦之例。豈許傍人肆橫。地方紮詐。若不重加創懲。難警將來。打丑下次不敢了。作打丑完介丑咳。地方上原是我多事。淨丑只顧查人。嘆此際已身誰保。小旦原媒。副淨村扮上介小旦你叫甚名字。副淨紅頁。小旦你與人合二姓之歡。訂百年之好。豈不聞門戶相當。齒貌相宜。但圖彼一時哺啜。不顧他終身結果。強將艷質。反配衰髦。厥思今日姦情。皆爾等匪媒釀就也。副淨妙講得通泰。背介

唯你們叫我怎麼回。丑這一場官司。想是他着木漆了。小旦北鴈兒落帶得勝令。咱只恠做官媒着個口偏聾。咱又恠藉紅繩到處心圖鈔。咱最恠結絲蘿。總在酒與餚。咱更恠配夫妻不對年和貌。呀。諒枯藤怎繞嫩花稍。愧泥神怎逗傾城笑。那金蓮怎上死坯腰。這殭屍怎令佳人抱。副淨總是兩相情願的。小旦尚敢狡辯打。副淨求列位替我講個情。是媒人教他借種的。丑唯我地方求他養漢麼。總是風流債。還得快。作打副淨完介小旦休嘲念狐悲兔已炮。私褒見唇亾齒怕搖。見唇亾齒怕搖。秦氏且上介小旦汝可把姦情始末。從實供上來。免受刑罰。看櫻指



伺候。且犯婦原與聞人悅，素屬隣居，每愛他才學優通，故而屢為私瞰，懷情日甚。女誘男姦是實，哭介阿呀，公公喫，南僥僥令女慕郎才雋，郎圖女貌天。女貌郎才誠天造，倘公公允施曠恩呵，權做個更琴和易瑟調。更琴和易瑟調。小旦不慎於未嫁之先，難悔於已嫁之後，當知為婦之道，從一而終，何堪棄衰憐少，便作無耻之事。移起來，生忙上介生員聞人悅有下情，小旦秦氏已供和姦，汝亦難辭無咎了，更有何辯。生悅本赤貧之士，老大無妻，覘秦氏少而貌美，遂萌不肖之心，夜分入室，婦即喊夫擁獲，實係強姦，理合一身領罪。哭介只求免移秦氏，聞人悅雖

死何憾。小旦沉吟介處此生死關頭，各懷恩愛之心，情甚堪憫，義更可嘉。本監諒不能按律擬罪了，北收江南呀。咱玉斧便主牽紅繡幄呵，須假館就鸞交。何常有意半途邀，是他行數微。是他行數微。天付與兩家恩愛一人挑。鄔貴娶秦氏所費若干，淨足足二十兩。小旦此婦既有私情，例當離異，着聞人給還原聘，將秦氏斷與為妻。淨雖做房專愛少年，念愚老亦圖年少，寧使公用，不可獨享。小旦陡，汝之命猶風燭，強欲損人品行，再敢瑣瀆也。賞竹引三十，副淨有理，率性打個滿堂紅。大家消受風流罪，生雖蒙越格施恩，奈何聘財莫措。小旦本監另有裁處。副淨



一槩自成親事、紅頁呵風、保山呷水、真正無法無天了。丑、鄔貴、你尊正被人背去了。淨、屈、小旦、掌嘴、副淨、我賤內倒像是他的。丑、且把風流話收起、大家求他秉公罷。淨、副淨、丑、南園林、好持公道、均稱見高。能按律將來惡韜、事干地方、求公公按律施行、淫少婦所爲猶盜。這般的風化事罪難逃。風化事罪難逃。小旦作寫、遂念介、審得鄔貴、幡然老叟也、向憑紅頁、繼娶秦氏爲妻、年纔二九、而鄔已八十有三矣、是以秦始憐才、聞難棄貌、偶爲桑濮之期、實酬魚水之願、詎知鄔縱其顛倒、作移花接木之計耳、查仁等朋謀、紮詐、撲捉鳴官、夫比隣鬪毆、不顧披髮纓

冠、私室綢繆、何勞滅此朝食、在案臬黨、當堂杖做、然鄔欲枯藤纏嫩蕊、安能琴瑟之調、而秦慕嫦娥愛少年、宜叶桃天之咏、允將秦氏歸聞、斷聘給鄔、但悅係懸磬之家、力綿難措、而本監應捐養廉之俸、以彰育士之典、試看拏姦鐵練、權爲繫足紅絲、共仰代天巡狩、且做持繩月老、律旣原情、供亦可免、作寫完、與銀介、聞生聘禮銀二十兩、當堂給與、淨捨不得、我的乖心肝、等愚老背了你回去、生兒子要緊、小旦請聞生夫婦更衣、卽此公館花燭、掩門、內吹打掩門、前四役、小旦生旦俱下、副淨、鄔貴、我有極巧的、一個美婦在這裡、一說一成、竟請連夜拜花燭、淨喜介



只要原媒包得過。連夜拜花燭。立刻生兒子。畱這養漢精何用。  
副淨取銀介老實說。有了這許多銀子。我包管替你娶兩個。淨  
一發妙極了。果然娶了一對時。煩賢侄。尋兩個光棍來走動。丑  
打怕了。不管閑事。淨不妨。你只管拏姦報官。我只管照例領價。  
賣了那一對。可不買還四個了。副淨說不得。看買賣分上。總是  
原媒包到底。丑只怕利息太重了。淨今之世。多有如此發家的。  
丑必無此事。淨不然。何爲夜夜長。同副淨丑譚下內吹打。作拜  
堂畢。小旦引生日。各需吉服上。請公公台坐。聞人悅秦氏夫婦。  
拜酬再造宏恩。小旦常禮罷。合北沽美酒帶太平令。分明是兩  
情癡水中飄。兩情癡水中飄。將溺也具爲焦。問誰能捨已從人。  
着意撈。望空提難料。仗知音把飛裁頃刻全消。顯新郎夙懷才。  
調。羨新娘越添波俏。做新媒實施功效。演新文必傳名號。俺呵。  
亦非因筆豪墨豪。禁不住興豪。小旦呀。但願汝舊夫妻唱隨偕。  
老。下生日南尾。公然合卺誰知竅。這衷情尹公分曉。共願他爵  
位齊天壽更超。

第八齣 桓歡韻

情竇淨副淨俱要髯末白滿鬚小生

各需秀才服飾。推次上。淨數應。必陽世運偏。副淨偶圖高興。怕  
需錢。末全然不得文章濟。小生事業終歸于楚天。小生江南楊



州郡庠于楚是也。末學生江都學廩膳生員，全不濟是也。副淨學生江都學增廣生員，高興是也。淨學生江都學附學生員，陽數是也。小生吾儕，因前者尹公案臨，觀風校士，雖經考試已畢，尚未蒙分示等第，昨諭今早當堂頒給花紅，理合赴轅，或堪少領教益也。合請介梧葉兒窺予貌，逼人酸，都莫曉。善於鑽，無人可制，無人可管。副淨拉淨背介一路而來。我與你分明是卵。淨兄今日出言太魯，竟把弟比做此道，何意也。副淨只因賤名是高興，尊諱叫陽數，蓋聞高興者必硬，陽數者定軟，既硬而能軟，已軟復能硬，我與你不似此道。請教是什什麼東西。淨你原來

善讀別字，所以連人不認得。副淨我的字，皆從洪武正韻，況且雙眸炯炯，怎說我不認得人，果然如此，分明有眼無珠，真正是卵了。難道我是你此道麼，不念同氣連枝，只令人獨當一面，無耻已甚，可惡之極。淨咄，這狗才無故嘵嘵，其放肆可為至矣。副淨輒敢辱我父母，反了，呸，此仇不共戴天。二兄請，竟到明倫堂公議。生末二兄路途角口，大傷雅道。淨二兄不知詳細，末請道其詳。淨怪其目中無人者，善讀別字也。何則，夫世間有斯人，必有斯名，無斯名自無斯人，名既可別，而人獨能不別乎。末兄尊諱本是那一字，淨弟名數本是六壬數，梅花數，先天數，此等之



數他不應逢人說項，叫我數數數，只管數，可不連人弄別了。末兄何不遇考之時，點名之際，當堂改正了。淨大笑介：冒名之竅，必要求教高兄了。生求教冒名之故。副淨既如此，只得直言奉稟了。大笑介：我與他，曾在魁星閣下，焚黃設誓，不許天知地知，只教他知我知，暗賄門斗，明求師長，他的數，我的興，照中原韻圈法讀，然而於理原不合，所以他願數，我不興。二兄莫笑，弟本是作揖拜介鞠躬拜興，此等之興，他偏叫興，興，興，強把我當做此道，咳，冤哉高興，這一興甚時纔了。生尊諱各有本音，為何反用圈法讀。副淨大笑介：此一節下文，又該求教陽兄了。末圈讀

之義若何。淨總是他怕考六等，一言以蔽之。副淨這是你一生妙用，說考了六等，不怕圈的，不認賬。我高興，豈是怕考的。二兄幸而有詩為証。生末有詩，更要求教了。副淨一字分為二，公然是一兩人，將來中第六圈者，做忠臣，末秀才家，大都渾俗而已。只要叫得磨就罷了。副淨可圈，淨再不上當。副淨兄，淨奇了，你莫非尚有餘言。副淨不料今日，纔是弟得意之秋。淨末者必也。副淨聞尹公不帶此道的，罔知硬軟之竅，而區區落得高興，兄亦可以免數了。生二兄善戲謔兮，合請介：梧葉襯紅花，俗子身難動。酸丁口易搬，當街明喊，憤欺官，似鐵般，爐中堪煨。妙在藍衫



魚貫。但說借文觀。許多豪興頃時剗也囉。下生外丑旦俱扮小  
監引小旦仍扮太監上引長相思承君命離金鑾。此際悠然獨  
彩鸞。何時願始完。海天漠漠彩鸞飄。可柰文蕭未遇邀。自嘆難  
同花夜合。拆香和霧慰深霄。咱家尹進賢是也。從衛輝問姦之  
後。旌節已抵建康。嘗自想代巡之旨。實謂微滯而設。委以重任。  
使官吏不能撓阻。便於恣意苛求。原非每事責成耳。但既經案  
臨之地。亦甚關心。若云實校文才。意不在此。或明言奉命掄龜。  
恐遺人耻。且未知是何款式。始中聖懷。正欲酬君之願。徒增掣  
肘之慙。念邇來觸動靈機。待發師傅之秘。於觀風閱卷之後。借

唱名頒賞爲由。見少年而美丰姿。鼻高聳而豐直者。卽於名上  
加圈。以備進呈。試看今日升堂。可有殼中之物否。吩咐開門。內  
吹打。開門介小旦命各學諸生偕進。親領花紅。外作傳小生副  
淨淨末挨次上。報進。參見介外于楚。小生有外高興。副淨有外  
陽數。淨有外全不濟。末有。小旦于楚。多少年紀了。小生生員一  
十八歲。小旦過一邊。高興。可曾畢姻了。副淨一十八歲。末自語  
介。可不問道於育了。外咱公公問你。娶了老婆也沒有。副淨  
驚背介。怎麼換了牌兒名。卽轉。復答介。生員的妻妾。大小共有  
九個。小旦過一邊。陽數。家中可有父母麼。淨大小共有九個末



自語介咳、一發斯文掃地了、外咱公公問你、可有娘老子也沒  
有、淨背嘆介怎麼不是前腔了、卽轉、復答介生員的父母莫說  
一個、其實半邊也沒有、小旦過一邊、末列位兄都欠老成、副淨  
小弟在庠以來、所經過學院科歲、老師月課、各憲觀風、而且古  
所未聞者、如此刁鑽問法乎、淨不平介就是面考、卽使覆試、是  
這樣當頭一棒、叫人那里尋門路、末冷笑介尹公大開門路、柰  
列兄識見未廣、小生令人難解、末他不過藉此擇幕、又欲圖省、  
恐家口重大之人、難以隨任耳、副淨妙論、弟深悔已說大話、不  
便雌黃了、淨作得意介好一個爹娘沒半邊、大有想頭、末待弟

以巧言釣之、自然上鈎、作整衣巾、腐態介廩膳生員全不濟、今  
年八十一歲、椿萱並逝、妻子全無、訓蒙何必家傳、秀才善於作  
幕、小旦知道了、過一邊、二淨可能中式、末雖不中、不遠矣、小旦  
命諸生近前評藝、四生生員輩伏祈垂訓、永佩宏模、小旦昨覽  
試卷、誠如錦上添花、文章至此、可謂精金美玉矣、所有菲薄花  
紅、聊爲潤筆、四生亟蒙作養、禮宜叩謝、小旦不勞、自古文章有  
價、本監另期再請教、四生不敢、小旦掩門、請于生後堂相見、末  
如何、可是擇幕麼、二淨誰知高才捷足者、乃十八歲之人也、內  
吹打淨副淨末下介小生老師台坐、容門生于楚參拜、小旦咱



家亦有一拜。小生陋士才同襪線，學媿螢光，過蒙優款，反愧愚衷。小旦本監渴慕芳名，特臨貴地，復誦佳章，始知奇貨，看酒黃鶯，叫集賢，特意整杯盤。選良材，必用款。桐音已現，毋煩爨。于先生，本監偶懷一語，欲煩構句成聯，未知可能否。小生既蒙鈞諭，敢不祇承。小旦木蘭代父從軍，凜然節操，小生紀信假王誑楚，允矣忠貞。小旦似此思深意古，何其勁捷也。木蘭代冠，天闥故瞞。珠藏蚌裏，人難辯。又有一對，再相煩。小生領命。小旦鶯藏柳底，祇憑聲響辯雌雄。小生龍伏泥中，佇看變化興雲雨。小旦先生不但才美，而出口天然佳句，雖古之七步成章，不足爲羨也。

合期爲伴。一定的內衙作館。小旦固不應問，賢閫乃誰家閨秀。

小生念門生不甘草就，尚希聘定。小旦意欲何等女子，始締姻盟，或遇有可意之人，當執斧柯。小生非多才而有貌者，誓當鰥處終身。小旦古云有志者事竟成，無妨且待。小生背介呀，這尹公雖係宦官，丰姿太媚，言談更雅，真令人可親可愛。呀，于楚，你與他怎樣開交也。鶯猶兒，文士最圖歡。這勞心止自博。但慮彼殘陽不受鰥夫算。想介有計了，不免假粧醉態，且看他作何發付。這相思自有分曉也。醉態介好酒，不覺沉醉了，恰教我怎生回去。小旦作斜視，含笑介呀，于先生果然醉了。想介孩子們，扶



他內書房安置。合又道酒逢知己量能寬。難設所怪的一樣流  
光與常偏短。四小監扶小生下。小旦沉吟介。窺于生品雅才高。  
可人心意。卽委以終身之托。允稱良配。但適纔微以對挑。彼或  
知我是木蘭。因而佯醉。欲爲久棲之地也。猶兒拖尾今朝相聚。  
怎說是無端。一笑尊前意便丸。三生石上約應攢。宜團咳。于生。  
汝雖不敢胡爲。我又必難自薦。此事令人最苦籌畫也。便私奔  
豈憂人絆。但慮他易採嬌香。更從熱處剗。

第九齣 先天韻

遙頌場上預設尹公牌位介。旦帕兜

頭。青衣持香上。步步嬌四顧蕭條。我偏無怨。放倒齊眉案。重修

結髮緣。念妾身與聞盟後。旣沉法網。蒙尹公越例超生。更難覓  
聘而偶。奈何懸磬之家。愧希瓊報。故立長生之位。香茶供養。我  
夫婦早晚頂禮。少盡窮心。拈香介。公公嘎。我秦氏無物爲敬。有  
言可祝。但願你福壽無疆也。拜介。我每效一二祝華封。少盡寒家  
願。念官人早間出去。爲何此時尚未回。啊。我已省到了。乏米屢  
停炊。回時愧見釵裙面。生舊巾服。作背米袋上。江兒水得去名  
須遂。惟愁志未堅。回思正恐遭人騙。娘子。我回來了。大笑介。米  
米。米。且與生拂肩介。官人。米從何來。又爲甚恁般歡喜。生豈止  
米。又笑介。喲。作幌袖介。還有許多錢在此。足有七八十文。快做



飯與我吃了，好開賬買辦物件。旦你說了，我纔去做飯。生我連日出門，實要問人借些米，果然十叩朱扉，正欲投水而歿。旦哭介阿呀，官人噯，沒有飯吃是小事，快休如此。生不是娘子苦勸，我已如此如此了。旦還好，生且適纔遇一相士，他相我位至三台，若能北上求名，在中途就有奇遇了，因回說一家枵腹，何能北上，難得，他慨然惠米一斗，卽把錢罄囊相贈，我一路自思自忖，恐相士之言未足信。旦他難道拏錢米騙你麼？生不信書中黃金現，莫非相上窮形變。這行止，只求娘子指教了，未審作何分辯。旦你且替我相一相，自有分辯。生我也學得些相法，正要

試演，相法云男子看手，女人看走，你且走幾步與我看。旦走介生再走幾步，旦又走介生笑一笑，旦笑介生再笑一笑，旦又笑介生妙，是一位真正夫人。旦你相我做得夫人，果然有準，但這個三台之位，明是我提挈你的了。生是，旦你可星速赴京，狠介快取誥命來還我。生足恭介夫人吩咐，待下官從長計議。合骨氣天成，斷不是無端消遣。生娘子，你如今該去做飯了。旦作拍案，大哭介好苦噯，生驚介親操井臼，此乃婦道當然，爲何痛哭起來，難道教下官做飯麼？旦沐尹公曠世之恩，免我等當場之辱，早宜奮志，以圖報德，奚官人惟貪枕蓆之歡，竟絕功名之念。



至於相士能提，哲人猶夢，恨介我陪你作破窰之鬼，不如死休。  
又哭介天嘸，作擲米袋介還做甚麼飯，生世間婦女，肯勸男子  
求名，實係最賢之舉，極難之事，笑介但夫人何必過悲，作與旦  
摩胸介反傷貴體，下官即時起馬，毋庸再議了，旦只爲尹公恩  
重，我夫婦能居仕途，不但于湯有光，或可盡心圖報也，玉交枝  
恩情休戀，幹功名速宜向前，生我豈甘守株待兔，奈何乏費難  
行耳，旦把相士所贈之錢，盡爲携去，出釵介我另有鳳釵一枝，  
係嫁時所珍之物，帶至前途，便可變銀作費了，生收釵淚介旦  
從今莫把詩書賤，貨王家應得多錢，生更慮你隻身在此，作何

度日，旦官人既去，我仍爲紡績糊口了，君能奮志衣錦旋，奴甘  
永役身無倦，生如此說，不能少留了，旦妾豈忍強君遠去，此亦  
勢所必然耳，各淚介合這離棕當云自然，這離棕當云自然，生  
向牌位，淚介阿呀，尹公嘸，我夫婦深感洪恩，沒齒難忘，故爾奮  
志求名，以圖報德，果有寸進之日，必當踵門叩謝也，哭介沐恩  
門下聞人悅，卽此拜別了，拜介川撥掉遭魔煉，遇公公纔救轉，  
貺多金誰會週全，貺多金誰會週全，待登瀛親酬二天，娘子請  
上，卑人拜別了，旦妾身亦有一拜，合拜介念匆匆無別言，但斑  
斑成淚泉，旦請官人收了行李，生尾行囊甚薄携時便，出門人



歷來難免。合共則願靜聽佳音到耳邊。生欲下，作又轉淚介娘  
子。旦官人，生咽介我，咽介去，咽介了，合作大哭介哭相思相憐  
相愛喜相聯，相聚相親苦相遷。此地相商相別也。公衙相會事  
相傳。

第十齣廉纖韻

伏辯老旦宮粧上

太師令捲珠簾。我與花爭艷。怎教人永抱頑童強作鷄。故萌着  
偷期私念。亦非因好色。亾廉。我韋妃在宮時節，曾與武承嗣私  
通。一經間隔以來，徒勞魂夢。况值此幽禁之苦，好生納悶。更無  
柰少帝心愚，不諳趣事，只強人曲意趨承，以為得志，殊不知風

月二字，全在乎你貪我愛，而彼此貪愛工夫，又出於各人心上。  
纔有那自然趣味，始成樂境耳。尋樂地偏宜臨險，得趣事何妨  
從儉。為人在世，若得了這種奇趣，阿啐，又顧甚虛名小節，風流  
臉羞多不怕添。丑短鬚，九梁冠，冲天翅，開場衣，暗上背聽介老  
旦咳，千歲，你若能實心求我，這帝位早已坐穩了，又誰知幹旋  
的効在無鹽。丑笑介愛卿，念孤家實心拜懇，但求幹旋，一幹  
旋老旦你莫非想做皇帝，丑第一想做，老旦除非走三思門路  
丑他怎肯把帝位讓與孤，老旦有我的線索在此，笑介只是怕  
你性，不便行，丑卿允幹旋，莫說不敢性，笑介我就，老旦你就怎



麼樣。丑喲，跪介日日跪着你，老旦哂，冷笑介且起來酌議。丑噯，老旦試看數行寄與，便成十分妥局。丑請寫，作忙研墨介老旦且慢，此雖係主上教令，又道叔嫂不通言，誠恐外觀不雅。丑咳，孤肯容，莫說通言，即使共榻何妨。老旦搖頭不語介丑爲何，又不寫。老旦慮你既登了寶位，把皇帝威勢壓伏我。丑異時，幸而獲見天日，當惟卿所欲，不相禁禦。笑介再不信，孤與卿一紙伏辯。老旦寫來與我看。丑卽寫介五更香念孤卽自煩。煩卿檢。無非不避嫌。甘存伏辯。伏辯期他驗。寫完，舉紙介試擎此紙如山。所言猶劍。老旦接看介今立伏辯夫李顯，茲因韋妃，裙有五色

雲見更感回天之力，果登大寶，膺立爲后，且內外一切機務，均聽裁奪。欲後有憑，立此伏辯存照者。沉吟介尚欠結實。丑窘介待孤家再立個誓與你聽。跪介天地神明在上，今日爲始，我李顯敢一字違逆韋妃者，死於萬弩之下。合望靈神寶焰。寶焰照人始尖。叛盟的立時把身殮。丑作送筆介如今該你寫書了。老旦接筆欲寫，遂覷丑，冷笑擲筆介不寫了。丑哂，爲甚麼又變卦了。老旦這樣書，豈可容你看着寫。丑有理，大笑介待孤閉着眼就是了。老旦這纔是作寫書。丑恂觀，遂念介如此如此，恁般恁般，生我者父母，而成我者愛卿也。作喜笑，拍掌介妙，貴乎朋友



者貴相知心、賢后與三思、可謂相知之至矣。老旦卽招丑、互作附耳、丑點頭笑介、誰知反周爲唐、乃賢后片紙之功也。老旦過來、我還有話和你講、前腔念我玉是身、身無玷、扶唐筆、強拈、何曾爲已爲已私情染。舉書介、試觀此字從公。所云非占。丑孤果得還朝卽位、你、我、他、合而爲一、豈不大家快樂哉。老旦更加有趣了、合允三人合膽。合膽別無可謙。大家把酸風一齊歛。丑早知有此巧道、皇帝已經做久了、老旦與書介快煩人寄去、尚未遲、丑咳、足見賢后與孤家、不甚相知、何也、皆知我面上花斑、已成小丑、那里煩得他們動、畢竟賢后人頭熟、相與多、交遊廣、一邏包張罷、老旦啐、又胡說了、丑我不管、只問你要皇帝做、作還書笑下老旦咳、蠢東西、因帝位早屬了三思、我纔萌乞憐之念、始效捧盆媚態、以結其心、那大寶或能汝有、我獨非又一則天麼、這封書、名曰撞木鐘、但如今既騙了伏辯、分明穩坐釣魚臺、原叫做東頭不着、自有西頭着、唎、作忸怩介、拚着我、由他二人安排了、尾木鐘撞破心猶欠。又顧甚後人批點。總只愛可意郎君趣味甜。

第十齣東鍾韻

息爭副淨耍髯巾服上

雙勸酒終朝怕窮。一生胡弄。此心忒凶。爲人如夢。嘴唇皮利於



無訟指頭兒本在其中。小子姓馮，大號純片的便是，怕投三教之中，跳出四民之內，心多應變之機，術勝通神之類，能期石佛搖頭，善使乾魚下淚，常携斷氣之銀，慣哄無知之輩，若遭捕役拴拏，打得渾身粉碎，一生但見豺狼，立時願爲狼狽，只因倚馬之扁，難逃有戒之貝，理將父母之身，代受祖宗之罪，內嗽介叻，那邊有個人來了，望介卽非冠冕全流，或者行囊反貴，不求大發其財，且圖小飲而醉，嘴唇皮利於無訟，指頭兒本在其中。下外滿鬚，武生巾，布箭衣，帶雙鏈，上自謂英風不可當，天生意氣接虹光，或能九萬鵬程遠，試看宏勛澍廟廊，自家李多祚便是。

幼年父母偕亡，更希親族，所以遊蕩江湖，毫無善狀，雖自謂非凡抱負，未能少展才情，但似此光陰虛度，豈可終於淪落，念邇來欲圖進步，籌之再三，不如且到都門，善窺機會，果叨一命之榮，始顯我此生學力也。風入松問天何事困英雄，故把才流作俑。令人奔競全無用，那里去權叨恩寵。只兀的這心兒太顯，方遭累，反至更添窮。下生仍如九齣扮，持釵上前腔。一天風韻正然濃。頃刻生離情種，怎得扶搖直上文光迥。步青雲好看人來趨奉。聞人悅一路行來，已至山東道上，奈何乏費，是以勢難前進，念內人臨別之際，付與一釵，意欲將此貨利，又希售主，魃地



裏有誰來顧儂。囊如洗。更苦路偏叢。賣銀喫，副淨忙上隨你多  
少我要賣，作估銀介是一枝鳳脚珠金銀，款式太古了，那一枝  
也須借觀，生沒有了，副淨此銀名曰雙鳳，你莫非不捨得全賣，  
生我其實不知詳細，副淨咏，此話蹊而蹊，古而怪，你亦然也是  
騙來的，生此係賤內粧奩，何煩深究，副淨多少重生五錢，副淨  
十換筭，該價五兩，加三手工，又該一兩五錢，共該六兩五錢，袖  
中取銀介，今日不曾帶碎銀，喲，都是十兩一錠的，生剪些罷，  
副淨小氣，念窮途竟送一錠，小生接銀介，過愛了，副淨慨然介，  
率性連銀奉贈，生足下既不收銀，小生必難受價，副淨既如此，

我只當送你程儀，你情願答我別敬，我與你竟成知己，更有說  
焉，江湖上錢財怕露白，快把銀子藏好了，不要被騙去，小心

些，急三鎗雪花銀兩，休露白。江湖上須防衆，別人騙莫尋馮。下

丑內喊介，唯，要權短盤的，這里來，生既然有銀，只得騎坐一程

子丑村扮，作騎驢上，繞場，急走介，生掌鞭的，丑前腔，似俺鞭雖

掌，驢能叫，人皆頌，再不擡些價，便呵風，俺的叫驢，會放轡頭麼，

生果然快，要多少銀子一程，丑三錢一程，生一錢罷，丑料草貴，

又急走介，生回來，二錢罷，丑騎上，生風入松，功名得就，暢思衷，

可別寒，牕蕭瑟，再期做個人中鳳，這令譽自然，而炯，丑快些給



銀子俺要撒和牲口了。生我銀子是整錠的，到店裡打尖，剪與你。丑早些說俺一頓鞭子攆上了脚，脚，脚，生我爲甚恁形單意。恩承私愛，急待答明公。俱下。外上前腔朝秦暮楚，又山東熱血，猶盈心孔。愧煞我昂藏七尺，惟虛閔潑頭顱。只怕今生難送。我只爲求名心切，發奮前往，到人烟希少之所，更覺淒涼，意欲取出雙鎚，試演一回，不但堅其筋骨，亦堪散其鬱悶耳。作舞鎚。大笑介挾此武藝，諒不至永埋塵世也。仗武藝待時來運通。籌良策，或可建奇功。淨村扮同丑作喊打生上。外勸介你們爲甚，便如此發狠打他。丑行使假銀。生我何曾會使假銀。淨敢賴麼。打

生一掌丑作出銀介列位請看，淨惡三鎔分明一隻紋銀錠。丑因剪碎。淨纔招供與丑，合介他說原是錫夾精銅。作打勢。外架介咄，這厮們好生無禮，以四拳毒毆一人，明欺孤懦了，再敢動手，且每人各賞一鎚。淨據你說該他白吃我的飯。丑該他白騎俺的驢，該俺白趕他的脚。外這兩項的錢理難短少。淨丑如今恰該打他了。又打勢。外又架介既念窮途，二位錢我代償。與銀介淨古人道得好，一客不煩二主。笑介唯把他明日的飯錢。丑連驢脚一總代還了。外哇，原來是兩個光棍待我打死了。淨老實說，得了銀子要甚命。丑隨你怎樣打，少不得唱完了去。拉



淨背介前腔此老形偏恠。淨言多詐。丑鎚更重。與淨合介恰也。  
真可惡。忒行兇。下外我看你頗有斯文氣槩，不宜行此歹事。生  
念小生既讀詩書，豈敢胡爲。外此銀原非已物麼。生聽稟，風入  
松適承釵價被人賺。不意連遭強橫。外原來被人所賺了。請問  
尊姓大名，今欲何往。生念我聞人悅，意欲進京呵。本欲聊圖進  
步心非猛。雖有願何堪親誦。外兄欲求名，弟緣應試若能作伴  
同行，所費無煩掣肘。生俱屬萍交，盛意何以克當。外念我李多  
祚，但逢知己，可贈頭顱。何在乎些須路費。合做膠漆那交情易  
隆。誠於始。獨羨敬之終。生一生落拓受人欺。外造化從來不與

齊。生果得風雲相濟會。外和君携手上天梯。

第二十齣 江陽韻

睨浴小生儒中華服上

引玉井蓮後有病無方。總是對人難講。我于楚，蒙尹公欸飲之  
際，細窺他態度音容，宛如絕色女子。若此人便是男身，足堪相  
抱相偎。雖云借棲有術，其如好夢難成。欲辭未捨，再畱無益。咳，  
老天，在我愁腸百結，奈他不容寸進。且扮宮女托茶盤上。隔簾  
窺宋玉，有意獻文君呀。你無故潛身入內，倘被公公知覺，必難  
輕恕。快些出去了。莫傷雅道。小生此間，小生常來叙話的。若蒙  
賜茶立飲了。且止介。因公公在內沐浴，故而送茶進去。你如何



敢來冒領，還不走。小生作覷旦，上下身，駭然介：你爲甚收起公  
公，變做婆婆了。旦作廝腆，含笑介：奈汝等庸俗之流，豈知禁庭  
規例，出門具令男粧，在內應更女扮。小生豈有此理。世間既分  
男女，自有一定的粧扮，豈可朝男而暮女。旣雌而更雄者，大笑  
介：據你說，竟無男女之分，雌雄之別了。豈不可笑。旦咳，書鼓作  
忸怩介：只因皇帝是雌的，誰敢男粧。小生呆想介：尹公公作何  
粧扮。旦職分雖則不同，粧扮一般無異。小生一發不信了。旦來，  
指內介：請驗驗。卧房沐浴的貴體。小生向內搭旦肩，偷覷介：且  
如何。小生高聲介：妙。旦輕些，忙推小生出介：公公知覺了。只怕

你未必活得成。小生作喜笑低聲介：妙，妙，妙，果然也是個雌的。  
拍手介：美品。欲又窺，旦阻，作互推掉杯。旦窘介：啐，推掉杯，潑我  
一身茶，怎麼處。想介：咳，只得再去取來。拾杯介：誰能自滅無明  
火。我謂何因濕却衣。小生仍偷覷介：真正妙極了。我覷他沐浴  
的態度，是一枝出水芙蓉也。尾犯序偷覷那嬌娘，眩目冰肌，鑽  
鼻脂香，逼我魂消。謂無窮趣在中央。我于楚，此時怎肯甘休了。  
想介：且自放膽闖進去，諒他不好推故了。欲進，又懼介：不可。他  
如此威儀權勢，設或翻過臉來，我之命卽傾矣。沉吟介：讀書之  
輩，固不可非爲妄作，然而再借觀，諒非過分。又覷介：已離浴盆。



裹足了、有趣、提起粉、嫩的腿來、越顯他金蓮一瓣、再覷介呀、倦了、這一回托腮斜倚、若有所思、宛然美女春睡圖、沉吟介細揣他舉止之間、恰像有意於我的、慵粧。他爲甚凝思半晌。他爲甚移身特向。我如今又顧什麼命、卽此脫光了進去、作撈勢介是這樣一撈、便死了、大笑介果然做鬼也風流、解衣介聲休響。皆由赤體好做野鴛鴦。奔下旦仍托茶盤上前腔換頭于廳。恰遇在東廂。互潑杯茗。獨滲羅裳。一縷情絲。豈無端繫住柔腸。驟驚介卧房之內、從無嬉笑之聲、卽望內介呀他兩個、竟效魚水之歡、駭然介只怕不該如此、復覷、作不平介這回、漸入佳境、咬指

介好樂也、登床。這滋味何堪代想。揣摩介見的、是一卷春宮活像。再望傾盤介啐、又掉了茶杯、拾杯介莫管他們閑事罷、難分享。甘移餓眼獨去守花牆。下小旦女扮、小生巾服、作挽手上其三因強。得趣莫輕揚。旣耦才流。共願情長。拚着官箴。在幃中且做文章。且扮小監上啟公公、聖旨到了、小旦以後、在于郎面前不必稱我公公了、且但憑吩咐、小旦含笑介姐姐罷、且請姐姐更衣接旨、小旦扮太監介思量、便說是蒙天作養。可也大不應藏真易相。合難辜望。風流帝王特命採純陽。小旦吩咐開門、內吹打二旦下小生適覷他浴罷無聊、殘粧懶整、那一種嬌癡態



度蓋世佳人所絕少。此際峩冠博帶，肅容緩步，公然出堂理事。又分明一位顯宦了，真個宜男宜女，我何幸得此尤物也。其四當場尹品耐端詳，本色誠宜。假態猶良，伴食能終。再休提楚有家鄉。念此後雲雨歡情，必然你貪我愛，與適間強就之狀，自是不同也。非常揣樂事，心兒愈癢。可也允鑿戰情懷始暢。內吹打介呀，早又封門了。旦丑各扮小監，旦捧詔，引小旦上合祈誰諒。歡容乍展，不意陡遭殃。小生爲甚愁眉不展，使小生十分驚慮。小旦請觀來詔便知。小生看詔介詔曰：該監代巡之任，亦曾清夜念及否，何已閱數十州郡，而絕無一人選舉耶。實係欺君藐

法，卽鎖拿亦非殘刻。姑且再開一面，期之匝月，以勅書到日爲始。倘或仍前怠玩，着該監昇櫬來都，以服常刑。慎之、慎之。呀，事甚掣肘也。小旦勢若燃着，怎麼了。其五私商穢事苦難彰。勢若眉燃，淚似波洋。物忌親鬪，便知音怎替淒涼。小生將小生權且進奉，或可少寬近慮。小旦雖諧寸晷之歡，已訂百年之好。今見汝得隴望蜀，誠然薄倖人也。小生非小生棄舊憐新，欲與賢卿解圍耳。小旦這樣圍，變色介呀，不與我解也罷了。伊行。只貪着風來月送。可也顧甚的夫隨婦唱。小生賢卿責之甚善，但立此兩難之地，不如待小生出去，密訪一二偉器，且爲進奉之計。或



可了此公案也。小旦我安肯惜身畏禍，將恩愛置之度外。小生實無兩全之策，合徒增悵。何能藉于以禍改禎祥。小生既蒙寵眷，願爲夫婦，請卽此潛身偕往，作世外之遊可也。小旦夫婦之事，何待此時再訂。然細想爲今之計，莫若遠颺爲上。但未知竟歸君室，或是寄跡他鄉。小生夙慕臨安古勝，湖山秀麗，我與你且違僑寓，待事定再圖歸計。小旦甚好。向丑介卽傳中軍。丑噯。下小生。其六須防。緹騎繞邊疆。限恐難違。理必先颺。意在求安。豈逃名好止鏗鏘。小旦向旦介你也男扮了，以便相隨前去。小生與小旦男扮介除纜。待疾把征衣換上。與小旦整整鞋介可也。

更慮及金蓮有恙。淨扮中軍上。中軍官候令。小旦適又接徵賢特旨，勒限甚嚴，咱家只得喬扮了，私行密訪。凡府中一切機務，暫停數日，擅敢洩漏半字者，回時必繩軍法。淨得令。下小生。好計也。我們放心前去了。合權仍掌。乘機令彼未必顯新腔。小旦情甘棄職遠天涯。小生韻致何煩又擬猜。旦趣事皆從權處得。合時人盡謂笑顏開。

第三齣 尤候韻

泣任生冠帶上

引桃柳爭放書香未餽。頃時已步瀛洲。但回思往事頗差謬。一生事業問何如。受手功名氣已舒。撫字餘工將種竹。好期風月



到庭除、下官新授吳江縣、聞人悅是也、蒙尹公捐俸完姻、賢妻  
激試、所幸名登兩榜、稍慰生平之志、憑雖已領、專候夫人到時、  
卽借蒞任、待共享一路風光也、但常想鬻釵受辱、益感代償之  
誼、柰何天欲困人、李多祚反落孫山、或會性可以同居、不無爲  
彼扼腕耳、末扮院子、持帖忙上、介李爺有帖拜上、因老爺榮任  
在邇、已搬行李另寓了、生持我名帖、卽爲備馬請回、末、下、副  
淨扮院子、忙上、介稟老爺、夫人已到、生快請相見、副淨、下、且  
冠袍上、引三登樂、前後眼宜酬、庶不負憐才自偶、生作喜迎、介  
夫人、且相公、生別雖未久、迓新粧實爲可慶、請上、當受下官一

拜、且來此非遲、變舊模亦宜稱賀、請上、應受妾身一拜、合拜、介

生沙金未汰、蒙麗人着意鎔之、且璞玉猶埋、幸相士輸錢適可

生夫人、且相公、生昔日今時、我尚擬均猶夢境、且窮源究本、你

偏忌巧合恩波、末忙上稟老爺、李爺請到了、生夫人內堂寬坐、

少刻奉陪、且請理公務、下末李爺有請、外滿鬚巾服上、引奉春

時前、旣落孫山、且自由、揆世務終難依友、生李兄、外聞人兄、合

作大笑、介生不辭而去、何恩兄棄我獨深、外小弟旣落孫山、深

慙久擾、更蒙讓食推衣、反令人置身無地、生太謙、外念我李多

祚呵、東甌令孫山外、故人留、破格叨光、反至羞、無功享祿、須添



醜。誰替我顏兒厚。况吾兄榮任在邇，亦宜自便。生恩兄過慮了，合若非知己話難投。何必此時籌。生小弟窮途落拓，深蒙救濟，至今日謬叨一令，報志方新，正期共襄厥事，永佩始終之德。若恩兄立意飄然，弟即掛冠而隨矣。外吾兄過分了，生念我聞人悅呵，前腔窮途釁市梟拏，恰遇分金惠甚稠。應期借箸情還久。誰替我衷腸剖。外蒙吾兄見諭諄諄，只得隨往了。老旦扮院子上稟老爺，吳江縣各役叩見。生傳進來。老旦嘆下合既成知己話相投，何必作他籌。外下淨末執頭牌副淨丑扮皂隸雜扮傘夫小旦門役小生吏書上介吳江縣六房吏書率領三生頭役等，迎接老爺蒞任。各役分班叩見。介小生請老爺起馬。生吩咐請李爺馬，請夫人轎。衆傳介生朝元令紅紗幌眸。網住時筆手。朱衣點頭笑破寒儒口。既藉龍光去懸墨綬。且領花封初試。百里稱侯。已卸却場中有命牕下脩。撫字但能平輿情頌未休。合牧民無咎。纔不負應天列宿。應天列宿。

萬花臺上卷終或為戲演以第十六齣作上本







